

Feria sexta in Parasceve
LAMENTATIO PRIMA SECUNDI DIEI

De Lamentatione Jeremiae Prophetae.

HETH.

Cogitavit Dominus dissipare
murum filiae Sion;
tetendit funiculum suum,
et non avertit manum suam a perditione;
luxitque antemurale,
et murus pariter dissipatus est.

TETH.

Defixae sunt in terra portae ejus,
perdidit et contrivit vectes ejus;
regem ejus et principes ejus in gentibus:
non est lex,
et prophetae ejus non invenerunt
visionem a Domino.

JOD.

Sederunt in terra, conticuerunt
senes filiae Sion;
consperserunt cinere capita sua,
accincti sunt ciliciis;
abjecerunt in terram capita sua
virgines Juda¹.

(Elegia secunda, 8–10)

Jerusalem, Jerusalem, convertere ad Dominum Deum tuum.

¹ in der Vulgata: Jerusalem.